

青郊詩存卷之三

湘潭梁煥奎著

郊居雜詩二十首

小築依林莽，閒居野趣多。
飛蓬息衢路，叢桂長山阿。
忍受樵夫笑，寧忘孺子歌。
荆扉如可閉，不遣玉驄過。
人事勞干謁，生涯謝耦耕。
入門松菊晚，憑水芰荷清。
慘澹輸朋好，艱危仗老成。
本無泉石意，聊浪託吾生。
倚醉立荆扉，天青看鳥飛。
村童行遨遨，鄰老話依依。
池淺水逾定，塵多草不肥。
買山山未得，移柳白門歸。

青郊詩存卷三

馬王墳下路十里蘚苔青苑囿春歡盡滄桑舊夢醒幽
磚憐霸主哀笛寤山靈空濶無今昔孤懷結草亭

石亭留古寺驛路近莎湖幽壁畫蝌蚪荒臺響鷓鴣鐘
聲當磬後燈火出龕隅歸去商歌緩山翁肯見扶

日暮雨蕭蕭人家半寂寥豐碑臨古道野草沒山橋
馬心猶壯池鵝意自驕入春多病後倦矣獨行謠

溪流清絕地手種幾垂楊跌蕩才無敵纏綿意與長
金鞍遊俠窟白袷少年場幸無攀折苦經秋未自傷

平疇三萬頃繞屋種桑麻河近長隄曲坡連遠樹斜買

春添白酒款竹入西家陽令蘇元氣青霄望眼賒
平楚風常峭柴門日易西牛蹏翻舊潦雞距撥新泥澀
甕凌霜重寒春向晚低驚沙飛不定吾意正淒迷
曲徑疏籬亞空堂羅幔新禽驚墮危葉蟲因裏游塵掃
地供園客澆花待好春兩奩棋子靜簾捲欲無人
竹石如良友溪風揖我前卧游登畫卷坐嘯入琴絃社
雨留人慣山輿送客便秋心悅文簞更約晚涼天
獨坐空非想清時省百憂故交青雀舫往事黑貂裘借
網貪湖望攜筐好嶺遊常看乞米帖稍復爲人謀

舊業果何託孤心彌自存陳王多暇日陶令有田園苦
茗香沈椀寒蠶脆壓盆偏宜種瓜蔓除是學青門

碧樹軒窗麗新叢只舊栽課兒看索紙飲客愛停杯小
鳥觸明鏡旋花上瓦臺僮奴解人意飯罷尚頻來

芳陰人不省院宇倦東風蟬老仙心在蝸旋篆勢工海
棠低養日木筆翠搖空藥鼎茶鐫定枯禪憶遠公

製畚無餘事鋤泥補藥欄城書遲作答竈芋晚供餐狎
犬吠聲少飢鴉歸影寒誰能雜童稚細草坐盤桓

舉眼綠將墜開顏風一披苔階憑石峭蘿磴倚山欹橘

葉淒淒替梅花故故垂神皋有豐澤秋實俟良時
春流何澹蕩岸草共霏微石淨泉如鏡垣低樹作幃似
宜安釣艇曾與製荷衣未待芙蓉發清光已覺稀
高閣久不上平臺先自閑雲迴碧落外峯入翠微問春
畝泥翻覆田歌笠往還躬耕屬吾道未暇訪名山
冉冉步迴廊塵心澹已忘支離初服在卓犖鬢毛蒼入
市嘲山屐投篇誤藥囊明夷方嚮晦莫復計行藏

王湘綺丈枉過山莊奉呈一首

弱冠伏鄉井讀書慕先哲游移成濩落未接鄒魯席夫

子述聖業微言動昭晰風誼邁一世諒哉周道直豈不
願執鞭菲垢有薰飾憶自瞻拜初降意承顏色高曾夙
有連綢繆結親戚侍坐賓從列諧語遺學殖十載秣陵
遊邇迴事行役書史雜塵垢孤行彌惻惻逆旅睹遐憇
曠蕩心顏懌大象一迴旋物理有宣塞昔日園中花今
爲道旁棘芬芳委草莽泥沙喻圭璧貞常達本性所以
智不惑賤子昧往訓居夷意自得爲文理未富言利採
山澤常恐良轡脫歧途誤驅辟六義正始音先師示遺
則謂白香鏗鏘既盈耳清商緬疇昔方今語侏離王風

久衰熄不識黍離悲安知兔爰感君子庶無悶寤歌聲
轉激念茲風雨辰嚶嚶詎孤默春郊動遠興浩蕩來幽
客幸展平生心餘清寵蘿薜村藪下山醪豪談眾賓寂
我聞中興朝奇謀贊軍國遨遊謝珪組慷慨書竹帛又
聞發圖書上追周孔跡告成升泰山文章肆餘力高致
霄漢上名理聽所擇得師豈在遠即此勝篇籍酒闌發
長言再拜陳胸臆蒙莊養生旨學道先自適至人和天
倪服膺請無斁

寄楊京卿都門

滯疾伏東野頻歲罕相親服食時自忘獨復懷故人依
依萬里外相從不淹旬之子荷世望才慮無儔倫白日
照四海成功如有神朱輪託嘯傲金門非隱淪噫予空
情戀奮飛苦無因願得迎輕車還飲湘水濱

與汪提學譚編修王觀察共飲萱圃

數歲斯堂別良日復開樽景物殊未改耆賢今獨存同
時二三輩邈爾脫儀文勸酬無俗顏言論多舊聞忘飽
盡庶饒豪縱各不羣澹蕩過時雨晻靄垂高雲園花寫
餘縟庭蘭帶初芬即此至可樂世事安足云困骨時復

蘇枯眼未覺昏轉恨日易傾尋途還做園孤居信有適
歡遇良所欣

與胡廣文別

柴桑善鄰曲有酒常賦詩旦夕遊從間言笑訂心知況
若平生契推襟有前期自我寄東郊親識多睽離又無
洽比歡興至笠屐隨幸得君來居謂可淹歲時天風騰
高原駿步良不羈悠悠千里雲跬步起相思寒叢澹餘
日目送孤鳥馳何言惜分飛巢林失殊姿行役豈不樂
留滯易生悲

飲實業學校贈曹籽谷監督

光緒癸卯歲余創議建實業學校初就貢院爲之旋
復再徙未及一期余嬰疾去湘逮今曹君構造宏善
效實漸章屬飲新堂緬然有作

山澤膏血輸道路筋脈屬二要苟不存九域緣茲蹙近
者國權替厚實委他族有識推患端所懼才不足救之
靡有他興言及教育昔我覘國旋謬論偶見錄權輿進
髦士綱舉未及目節聽喜周垣移講安巷曲不謂災眚
纏此志傷局促羣賢沐同趣慘澹事廣續披採淹厯今

往往見珠玉曹侯眞健者擔荷解拘束輦幣集名師誅
茅築精屋舊苗盡吐花新筠已成竹今日展佳燕銜觴
縱游矚良材周世用歲月待喬木肆意欣則同歛懷歎
所獨

題長鬚老人馮丈畫像

丈鬚長過膝

眉宇通靈歲月長修眉諸佛住西方人間福慧鬚如髮
爭比蚪髯空戟張

行藥山頭拂柳絲長條曾共碧參差挽鬚無數兒郎好
想像臨風卻立時

詠史二首

張良奮一擊秦威爲不揚
魏魏萬乘主幾爲椎所戕
匹夫信荏弱抗袂陵虎狼
慷慨爲國仇身殆名不僵
意氣重一世生死安可量
鴻毛燎野火片羽寧高翔
羣貉共一邱孤鳳鳴朝陽
千載峭函間凜凜有輝光

荆軻憤秦久豈爲燕丹恩
躊躇決一念冠纓迴風雲
危亡呼吸間萬一寧生存
深謀見信重無假樊將軍
舞陽亦不取廣殿空長裾
匕首不盈尺隱若戈戟屯
秦皇果孤立法令徒紛紛
蜂蟄尚有毒虎豹亦有羣
螫噬不避

人豈知諸侯君

五哀詩

甲辰以來抱疾自危乃五六年中多喪朋舊而孱廢
獨存每論諸人才能學術重爲世惜悽感情好追爲
五詩

陽湖張提學鶴齡

張公古良士磊落精詩書結髮觀國風騁步凌交衢道
遙清秘殿徙倚承明廬驂騑欲追風顧盼失長驅崑山
不剖玉赤水空投珠縱志出海嶠馳想騰天墟外僚佩

大綬引領金章紆云胡慕湘皋志在奉板輿江山青春
深井里慈母娛帝都開講肆有詔徵師儒說經第高材
傳道得吾徒至今倫理訓肅若魯與鄒悠悠衡雲開千
里褰華裾浮湘意凌厲學林闢榛蕪青松日以新惡竹
日以疏眾鳥各有聲誰能同所殊強勁互攻擣的矢甘
微軀屹然金城堅千櫓不可踰心如白日麗勢若羣流
趨況乃理祥刑溫溫物情蘇提學移高旌天子重陪都
蕩滌朔方陋遂令文命敷安知天告災隕星東北隅平
生善服食理謂無他虞入歲感龍蛇痛哉中道殂京華

昔游衍言論動公孤傾蓋盡殷勤道交神坦愉迴情倦
殊標遊雲慘不舒蘭芷更誰清遺芳今何如

湘鄉李法曹希聖

法曹不得志緇塵晦京洛童年鬱奇懷玉質屏雕錯抱
此耿介姿忍爲時菲薄觀書白虎觀奮筆天祿閣果充
上國賓都堂述宏略高志不獲展雅尚庶有託小水因
蛟鼉微風動鷓鴣巖廊滯登陟丹鉛勞著作劬瘁憐吳
質孱愁傷沈約寧無漆園曠空聞茂陵弱橫經集烝髦
大匠審斤削達官多抵牾孤學棄糟粕雖懷百年謀頗

作數日惡當時策十事一一遭貽聘馳驅同慘澹懷藏
久零落往者應徵車朝夕奉談謔多君他山攻愧作祥
金躍偶俗眾口警拔羣一士諤吁嗟命不融駐年靡良
藥平生意慷慨一旦俱冥漠精神屬靈漢文字藏哀壑
英名豈長存千載甘寂寞尚憶庚子歲妖氛暗城郭祕
錄消長夏淹遲枕中鑰方今理大藏纖悉歸量度此心
慶先獲事半勞一諾儒雄不再世搜討勤逾昨

新化鄒大令代鈞

鄒子談天口咄咄人所驚豈知亥步周果得裨與瀛達

人有明德弱冠知入紘孕異入地際探幽見天精乃祖
芬烈久三河垂令名遺業待興顯驅車事長征蕭條度
關隴慷慨入邊城綢繆濟世具計畫屯田兵軍書既稍
定絕學悲無成禹域局高志寰海馳遐情恭聞柔遠策
使者翹軒旌遂泛地中海問俗普若英周官失職方淮
南求地形圖繪審環緯測候定樞衡文質盡變化陸海
見縱橫茲術久曠缺如夜得旦明中土獲傳習粲粲羅
衿纓善事勤先施求友述嚶鳴清樽送繾綣傾蓋託平
生廣座喜謾罵傲睨無公卿孰知執手歡親愛若弟兄

陳書手掌胝說劍眦淚盈太璞終不雕朝陽豈無聲方
謀一斗醉何意二豎嬰世運有轉移賢者命先傾落落
志不顯冥冥心孤行孺稚傷旅滯羈魂何由寧悵望舊
遊地隕涕懷遺清

同縣黃觀察篤恭

蘇山

君所居蘇山草堂

強仕日泮奐愛稱老氣舉邱山峻心入

毫芒小卓犖無餘子艱危屬吾道崎嶇礙遠驥繒燬誤
高鳥駒奔或蹶蹶鷹騰空奮爪容知意慘戚遂使形枯
槁不樂竟崔駟書空豈殷浩良材未及施大命安可保

已矣國無人慨念憂心擣昔者經國謀利在興地寶遠
蘊窺靈修幽藏啟富媪神鬼任雕鏤精力輸創造未孚
小民信逼處他族擾闢翕各有宜躊躇恣敦討庶幾國
維張莫逞戎心狡中間海波沸絕域通市少財物竭轉
輸危若崑崙倒支柱旦夕間屹立皆完好璀璨遂至今
片意獨艱窮微管復誰知議者測其表讀書慕伊傅所
志豈溫飽未睹青雲舒可知白日皦憶我識賢豪交歡
君最早十載一室俱纏綿共襟抱居常相矜異快論塵
垢掃有時析事理廓爾秋天曉金石富歌嘯山川健文

藻耿耿結遐契謂得俱壽考寒風悲遠天忽忽搖墓草
察淵固不祥煎膏徒自療夙歡翳以盡聞笛聲悽絞

同縣楊中翰昭楷

舍人體近道器業俱特達幼小恥凡近伏巢奮毛質羣
賢互颺動圭角獨挺發天衢不足上抗衽躡先哲窺學
各塗徑投情自膠漆曾無一言忤豈意千載別君謂通
聖郵孳乳形聲出既登許鄭堂遂入遷固室大旨六藝
森名言九流澈貫穿爲文章義訓矜祕訣惜哉爲山志
簣仞中竟輟衡陽儒術雄性道各有述誰言限闕嚴毋

敢寸步越操履一孤行薰白若蘭雪顧念薪火傳時騁
陽秋筆當時著作林千鈞此一髮懷玉罕見珍落寞登
禁闈憂勞詔同學忠勤事朝列介介情不偶時流笑迂
拙波磔精字體灸療善醫說浮澄當所染俄頃不自逸
常苦困京華因思泛溟渤神山入遊目禮堂正愁絕恆
幹亦云康粹爾邁危疾天民終莫贖良友傷見奪萬里
魂汗漫百年心勃鬱淚斷篋中書形往神不滅重尋柏
莊路悲泉共嗚咽

和陶淵明靄靄堂前林

長夏讀書酬潤珊

閒宇多嘉林盛夏生秋陰喧塵不足累披豁見素襟良
友夙相從旦夕和鳴琴二紀情在昔三載念自今讀書
罕言疲高意用相欽達士有微託命酒常獨斟誦言契
其趣未睹聊辨音忘此溽暑候暢然心盍簪瞑對若有
會蒼茫雲壑深

和陶淵明和澤周三春

己酉立秋日作

時序不可居秋至勵清節浮雲遠莫翳升高天宇澈嘉

穗半已登農人轉惶絕幸得乘暄風收穫盈場列幽居
庶貞吉命爲漁樵傑棲野忽三稔撫時鮮良訣木葉在
庭戶因茲感歲月

喜吳子修提學見過並謝惠先集

舊家德業公家雄光氣照澈湘流東披尋文藻屈賈接
講貫儒術朱張通累葉崇名冠朝列郎君繼武明光宮
甄湖採岳發靈閔秉示明德延宗風興酣馳馬東門道
澹澹微颺動花草地僻罕聞金玉喧林深忽睹旌麾繞
村醪百壺那取醉一觴亦得傾懷抱官僚談笑意且豪

知公無言心矯矯山巖野鵲催西曛荷衣晚襲蘭佩分
座間覓詩苦不就片意繚亂隨行雲高軒何時復見過
樂我幽居猿鶴羣茲辰良覲歡未已誦述不泯先人芬
次韻答趙芷蓀提學峽行見懷二首

誰知負疴者寂寞弄秋陰巖樹棲遲舊川雲悵望深早
秋衡雁過千里峽猿吟甚憶扁舟苦翻勞寄客心

使君多病日不廢賦新詩想見停書札還能命酒卮文
章杜陵宅名業武鄉祠便爾西風起寧爲故國思

送三弟彝溟遊

子少好壯遊小別萬里餘年長遊愈遠飄搖天一隅關
河雖云阻舟車不須與凡子縱心目舉俗胸所無居人
念謂苦行子身忘劬寧無去國思浩蕩心轉娛以此釋
我懷未暇長歛歔所貴壯志遂何用守窮廬昔者與子
別我病顏正癯倏忽六七年暫還一相呼我或不子思
子常爲我虞呻吟身僅存喜子貌加腴謂得久相聚忽
爾復乖睽我謀入城市徘徊憚輕輿子奮海嶠遊趨若
庭中趨巧拙恆任天賢智誰能踰蘭橈不可繫西風下
重湖離筵方在御執手心踟躕送子不河梁各保金玉

軀遠道非昔異離情豈今殊願子他日歸我病皆已除
起命五洲駕汗漫與子俱渺渺雲中雁縣縣波間魚何
以慰我心十日一寄書

己酉中秋周印昆參事飲宿山莊因送其吉林之行
遠別世所悲君子各有懷舊鄉詎不美地異興亦佳心
目愛迴蕩智識爭魁恢雖微里巷歡寧無遊從儕奈何
局故墟旦暮意爲摧常慕高飛翰須臾遊九垓病翻苦
莫奮微志何時諧今夕共明月昔者天一涯良宵多游
氛胸中無纖埃會促別更長感化中情乖淹遲未可期

喟想誰與排清醕庶不辭素心千里偕

周印昆迫事留湘遂罷遼遊復有是贈

高鳥不巢居翩翩翔故林故林多友聲懷此因沈吟秋
雲忽迴翼戢響依陵岑衡陽動朝日萬喙同好音繚繞
不能飛安知酬夙心良材貴得施何論浮與沈瞻望無
遠近崢嶸天宇陰矯志四海隘豈傷時運暫與開歡
顏且得證孤襟遐約一朝踐虛憚離憂深
楊君華生自蘇格蘭賦詩見示因寄此篇
游雲憩層霄悠悠西北馳碧海照波光揮霍生神奇譬

若鷗與鵬變化靡可知雄心在夙昔遠大寧失時獨立
遺世人曠蕩因賦詩清嘯見心曲情發文在茲落寞向
凡百哀奏識者誰與君託孤契江山恨倭遲答響豈滯
遠抱獨期不移倘假黃鵠翼更樂從風隨

勺泉詩

茹潔承朝露披真愜素心秋蓉羅袖薄碧玉片雲深不
溢虛長柄無窮得美襟風蘋時一聚樽醕爲誰斟清濁
由吾意忘機獨漢陰

庚戌正月

辟人孤嘯罕通名肯出林扉強入城半醉酒宜春向夜
乍開梅喜雪初晴羣兒偶聚耽歌舞野老頻來倦送迎
卻是歲朝無樂處不知詩思爲誰清

園中朱梅白梅綠萼雜開

幾度黃昏朔雪過春雲無奈斷腸何翠禽隨意餐珠玉
繡幔分行罥薜蘿籬角忍催簫管歇樓頭爭對酒樽多
房櫳壁月誰堪伴綠鬢朱顏子夜歌

柏樹歌

園中老樹半衰朽清霜禿落湖堤柳當門秀柏兩三行

眼前傑立今無有，里中貧兒豈作賊。得錢入市行沽酒，
斫樹不斫柞與栗。良材在野嗟何及，柏且胥戕況珍異。
眾中不偶參天質，繁花入世生遠妍。碧葉詎爲時所憐，
高齋銅瓶厭寂寞。古堂靜几供神仙，誰令翦折就顛倒。
託根失所寧非天，自今門前種樹不種柏。洞竇巖花少
顏色

新筍

嶺頭舊土生新筍，十載殘根定不枯。爲問異時成竹處，
參差能似昔年無。

橙

庭下霜橙靜盡年肯班羣果瑣窗前秋來慘綠香猶歛
雪後殷紅質更堅船籠不須參嶺櫺厨羹間已奪湖蓮
無人作賦誇朱實獨倚寒叢春灑然

新作荷池

爲愛芙蓉鑿碧池新春消息雨如絲池頭舊雨休飄散
留待芙蓉極盛時

題齊伯常丈家慶圖二十韻

大賢不世出令德有傳人美錦聲華舊良弓器業新松

青郊詩存

卷三

六

筠留節操堂構見經綸正內昔爲政承家美擇鄰門庭
瑞天鹿道路頌麒麟窈窕方流荇祁僮更采蘋自宜孫
蟄蟄知是族振振馨潔歡無間威慈譽有倫星雲照顏
色壺嶠寫精神粲粲鸚鴻偶優優鸞鶴親縱心無太古
得氣有長春已信富爲福從來壽者仁殷勤洛陽孔偶
儻太邱陳唐苑標新筍燕山擁大椿披圖通色相學道
契天真簪紱英颺接丹青妙筆皴情非課績夜功在授
經辰棠憇過畿甸葭依愧瑣姻頻年懷鮑妹嚮日羨陶
賓持此矜邦國黃農未足淳

自述

少壯忽隨佳節去，乾坤容得此身閑。
清言抵掌過從輩，苦句盤胸寂寞間。
祇學農書酬歲月，儘留遊債與湖山。
已知世事難迴復，自向孤村一往還。

取攜花鳥弄春天，多謝橋南二頃田。
白壁祇應慚著作，黃金誰許學神仙。
卻看星斗還中夜，偶憶江湖向百年。
緩帶高樓人中酒，一聲殘磬白雲邊。

梁辟園別墅看梅和自述原韻

王闓運

良遊愛約早春天，歲歲東郊訪弄田。
樵隱不同非一

事琴樽偶得聚羣仙南臨瀏水川原敞西憶吳門戰
伐年莫道清談能誤國如今夷甫不籌邊

藏事亦與
丁文誠任

之丁蕘竟

有邊患

苔梅如雪報春還有酒應須半日間不逐鴛鴻上霄
漢暫隨雞犬住人間新詩自詠江南曲舊業猶留屋
外山且向莎湖泛漁艇門前茸草未須刪

新樹行

舍旁有衰木歲久螻蟻侵枝柯既蕭散斧斤時見尋嘉
蔭心所求移根北山岑綠蘿附新枝青松失故林念茲

發深秀庶幾鸞鶴吟託地非不高孤清難爲陰迴情頗
自失惓惓蒼巒深物理奮特立胡不高丈尋雨露會有
時在彼歲寒心毋爲衰木譏干霄盼自今

莎湖新柳曲

白下門前春寂寂天津橋上煙如織往事纏絲那可留
莎湖新種參差碧不睹章臺走馬歸不聞長樂暮鴉飛
塵沙未許侵游轡珠玉何勞試舞衣舞衣游轡芳心在
綠鬢年華未應改玳筵絲管半啁啾長堤風日猶瀟灑
筵前詩思不須論堤上煙痕雜雨痕已拋年少千金價

莫斷離人一縷魂采桑三月秦樓女未竟流黃罷機杼
手中金縷爲誰裁玉燕雙飛入庭戶今年短竹立東風
明年湖上采芙蓉漢南無復桓司馬留取婆娑一鑑中
正月壬申王湘綺丈洎曾重伯太守譚組安編修王莘
田觀察楊哲子京卿周印昆舍人留飲山莊即席賦

詩

嘉樹生春陰微風奏新淑軒車一何美脩然入空谷清
言各懷抱得賞趣已足令德諒無朋來踪苦難續彬彬
縱諧飲才賢有名族追陪日以舊微尚脫拘俗舉觴發

遙情願言惠金玉良聚豈在多道貴善相勗幽蘭亦有
叢枝條眷深綠

青郊小集辟園有詩奉酬一首

王闓運

沈陰每連旬塵中鬱相向不有郊外遊豈識天宇曠
近郭訪幽人招尋樂閒放辛勤農圃學傲兀羲皇上
平臺引遙山川原了無障桑果足供給稻梁得家釀
且取卒歲資共作新春餉應有隔雲人蒼然平楚望
答梁辟園

曾廣鈞

瑯琊邴曼容漢陽趙元淑俱懷遺世情並有逃名谷

夫君神鳳姿天縶飛麟足理窟日勃宰詩惜月賡續
池館青春交羣季縉雲族新醕促名彥舊履說殊俗
宜懸標陽金似抱荆山玉和樂貴無缺令德崇所勗
招隱余何言從君桂華綠

二月菊作花

二月菊作花粲粲九秋色節序寧當乖物理固莫測造
化生物心因時自通塞蘊性終發舒分至豈所擇去秋
園菊病當花花未徹藏根帶餘菱土膏潛勿失東風百
物昌茲卉蒙其澤居然趣不變耿介秉貞德人生處一

世俯仰隨語默苑枯誰主之任天理自得

古樟行

路旁礪砢古樟樹廓落郊原誰愛護自昔塵氛易搖落
終見坡陀得根據幽棲豈必依巖谷野性從來喜煙霧
根柯閱歷不知年宿鳥鳴蟲自來去憶我金門瞻廟壇
千章大木撐蒼顏丹垣靜縹青春老碧甃橫交白日寒
神宮自是貯靈異佳氣何由爭鬱盤天地一心同長養
風雲百代獨艱難祇今上藥供丹鼎窮村搜採荒荒冷
文采惟應自韜匿斧斤何意容遺屏樟也良材辜世用

善全芳體誠天幸欵松壘柏未能奇動搖高葉天光迥
次王湘綺文贈吳子修提學原韻即送提學入覲兼呈

湘綺文

柱下文章意在斯使君高誼冠當時近聞湘水棲遲地

更有清尊唱和詩

汪氏振綺堂聚清尊集中多提學先人與浙中名流唱和之作晚歲

玉堂隨杖履深春雲麓送旌旗漢廷必欲登商皓還許
金門共酒卮

春郊

巾車無借愛扶攜二月清簫催柳枝醉後山行多蹇步

愁來春望幾沈思
南塘水煖鴛鴦老
別館花遲蛺蝶癡
莫更東皋問天色
澹雲微雨倘相宜

飲郭氏山莊

名園貯幽清
游春得嘉會
主賓集裙屐
諧談脫塵壻
況有上知人
悠悠羣物外
情欣方賦詩
意倦自解帶
鑑取松柏姿
澹爾蒼容靄
危石履欲墜
虛堂寂無害
念彼華屋存
聞襟嘯林籟
縱懷趣不孤
觀物心轉泰

送楊哲子京卿入都

君子愛行役
豈必輕舊遊
賢哉利涉心
欲止不得休
洪

濤信難越駕言將焉求輕舸自茲邁放櫂遵中流天際
響征鴻水中浴浮鷗相離日千里顧盼須臾留壞雲薄
西岑縱覽心悠悠卷舒各有適懷抱何夷猶飛眄遞送
君長風結綢繆

送周稼生之雲南

驪駒底事促君行舍弟邊南仗友生碧浪搖天迎粵嶠
晴雲照郭住昆明太真且下辭親淚伯約猶多去國情
弧矢於今更瀛海有方何惜賦長征

殘梅

沈沈暝色入孤村滿地芬芳正掩門
嗁鳥數聲山寂歷
莓苔千點月黃昏青燈已破羅幃夢
白酒能消綺席魂
若使流雲飛不斷殘粧餘艷更無存

春陰

癡絕天公休怨嗟茅堂春興野人賒
雲生巖壑都成陣
草滿谿山盡茁芽簾外朦朧那是月
階前頃刻斷無花
清明已近愁風雨蓑笠蒼茫種植家

落梅引

春至羣花開梅開春未知春深梅老去
獨與羣花辭莫

人何蕭條草屋荒隴間高墳鬱危陀華表風雨寒阿父
靈宅茲臨拜心悲酸

悲酸何能已兒病方強起六載辭舊居浮雲去還止辱
顏固已疲瞻途倦百里展謁曠未修耿耿心疚此永慕
難爲辭如何今已矣

已矣何所悲悵念往昔時阿父稟至德艱難困塵羈卑
官不稱意舉世莫誰知區區文字歡徒爾千載思落日
向叢皋仰天終懷疑

懷疑已奄忽冥漠意安屬憶歸泛融風事事頗局促遺

魄希有歸披尋歷欵曲登邱得片壤先壙邇山麓獲安
遂逾望違言更邀福歲月寢復淹憂來行躑躅

躑躅阡石旁去去時復望平生何所愛設酌無不嘗
酒雖在地更願傾此觴兒詩父歡頷舊句皆已忘揮涕
誦何言長風吹白楊

青郊詩存卷之三

女士梁址 愚校字

青郊詩存卷之四

湘潭梁煥奎著

爲賀義生千總妻張氏作

朔風捲胡沙哀雁寒不飛垂髻十四五趨趨行中閨阿
父教作字阿母教裁衣出門自提壺當窗尋織機兇回
叛關隴殺戮無子遺危城一朝壞道路交枯駝家人並
向盡棄女憐女癡倉卒出西寧弱小何所依一步一啼
呼乃與官軍隨去去莫復問但得暫相攜且復飲食我
慙慙從指揮如何主人婦遇之良不慈推床輒怒詈或

便加鞭箠相將二三年有淚如綆廢古城賀千總子身
官邊陸旦夕求賢婦久久莫致之路人言女賢聞之心
不疑誠得婦此女安用名門為遣媒白主人主人前致
詞主婦不樂若若去良亦宜明日甲子吉便可作佳期
千總大重女事事備禮儀纒幣充門庭主簿行為媒居
然作新婦良喜無所悲上堂拜夫婿笄珈紛葳蕤明珠
垂兩耳翠黛開雙眉蘭茗為履紋翡翠為釵枝綺帳交
羅裳出入生光輝婉孌事君子柔聲顏色怡君恩若造
化妾命今轉移夫婿四十強往從征西師名編壯士籍

左右擁旌旗方當日貴盛矯矯多令姿妾得兩有身幸
舉一男兒時時弄啼笑文祿尺有奇況乃懷中女嬌小
長依依愛若掌中珠雜綵身上披來年及後歲更夢熊
與蛇每食必同器每出必同車謂言共富貴白首不相
違天寒日當夕涼月入羅幃君身忽沈懸一病殊不支
賤妾能代君代君復何辭寧知命當絕醫禱安所施從
君黃泉下誓死不相離奈何兩嬌兒襁褓命如絲母今
棄兒去誰復如母慈哀呼絕中腸更念夫死時張目久
不瞑芒芒中顧思或是戀故鄉當送君骨歸及君子若

女立誓不差池閨此不復視遺意聲樓而豈唯子母恩
拳拳方在茲殞君在中堂厝君古城隈旁有君死友兩
柩情徘徊兵卒相告言新官良日來官今遣去汝爾此
胡為哉徬徨千總署一去難復回僕役括君貲謂君無
餘財不問尚得安問之暴如豺赴愬諒無門趣入市中
啼市中有長者念我失所棲僦我一間屋屋底堆沙泥
妾是邊方女今為千總妻難為千總妻莫免兵丁欺荒
荒陰雨中幽咽寒茅茨無衣裹中裙饑來啜薄糜不辭
身骨立子女瘠如柴昔有負君債君死言已乖或當兒

憐我卹難如卹災妾往自取之什九皆欺給責逋既不
許稱貸亦不諧湘人重桑梓屏妾非其儕妾本喇薩人
安得不見排生死未可知耿耿志不衰君家有令姪致
書與告哀冀得姪來迎書還言力微不得遠相迎亦無
金帛貽阿叔若弟妹叔母善主之曰歸歸何時言之雖又
淚垂歲月日以徂寒暑三四推在耳吁何言不死心中
灰三湘豪俠人聞之心爲摧何不共作計無爲更疑猜
男兒事難爲女中有奇材債者令之償薄贖意亦佳莫
令不辦行千金固有涯呼號表節概始各心顏開向日

見陵侮翻然皆好懷從容舉茲役乃爾決行期長途二
萬里望望湘水湄妾病忽咯血倉皇轉遲迴禱神得夜
夢妾病神扶持病起乃戒行其日發於斯左手扶靈輶
右手攜嬰孩謝氏君死友招邀在泉臺生前且有約今
胡不與偕往者謝氏沒託君歸其骸君亡妾未亡一諾
焉可渝並發兩家柩聯翩就征車興辭自茲邁厯碌車
輪馳迢迢復迢迢車重輪行遲一兒哺母乳一兒了無
知觀者皆動容豈不憚艱危長官憐妾單遣兵相護持
入關百州郡各以官牒隨兵役二三輩日夜與妾俱妾

身用弱女授受禮不踰誰言顛沛間得以行旅殊妾既
乏齋用犒兵亦無貲不若謝兵去獨行心坦夷更莫煩
官吏官牒可不齋兵間壯高義遠馬聲悲嘶靡靡迤寒
漠蕭蕭過荒陂暮則隴間宿朝則墩下炊古木飛落槁
野鳥鳴鷄雌或涉水奔湍或登山屢屨兒啼不知苦片
刻哀提携南趨泛輕舟空江彌險巖氣候固已異稍覺
筋力疲自夏遂徂冬十月已有餘悠悠日行遙湘潭天
一隅君家門戶盡一姪先告祖骨肉更無他客妻窮巷
居里黨閭姓名新歸各驚呼聞聲知異鄉詫愕臨交銜

青史新刊
卷四
四
恐以貧弱累何論卹
妻孤葬埋亦有費
母子亦有舖舉
言謂族人族人言
勿知知亦罕見存
有族寧勝無稍得
姪婦親親搖共窮
虛寒夜被不完
春夏常饑幼營葬
無葬師言壽先人
墟墟旁起孤墳墳
中葬阿誰君棺在
墳左棺右為妻虛
昔君苦邊塵今君
依故閭君魂幸長
在何為妾歎歎悽
悽君故人旅櫬寧
久羈送之瀉山旁
先與家人期飢鴟
啼樹間淚盡腸已
枯腸枯胡不死鴟
有巢中維天乎妻
有子使妾心踟躕
魂來告床前引妾
入黃墟妾命今日
絕兒命當何如重
泉依汝父愛汝長
如

初妾今二十九壽命誠區區憶昔遭災亂十七妾有夫
懼娛五六年百慘不一舒幸得終從君豈顧兒女私兒
前抱母頸母逝魂不蘇親戚聞此事感激淚交頤行路
聞此事太息起長吁文人聞此事慷慨秉筆書墓門植
連理霜雪發華滋上有雙飛禽西來啼夜烏哀哉今之
人何以勝彼妹

三月五日長沙書事

庚戌歲

南邨有古廟呼嘯人千百非有標竊謀亦不弄戈戟斗
米八百錢半飽不易得不聞手糴令鄰糶無停息忍饑

求一逞竊竊與官敵積忿有由然况謂奪民食觀察被
鞭箠守令遭呵斥閉閩斷商旅約結在一夕曰左不得
右號令若霹霹其徒多匠作其事類豪客偃引輒數軍
市民聽驅策吁嗟所天失邈迨從茲役官不我民活使
我憂阻飢就死大官前蜂蟻不可麾撫軍威兵衛轅門
肅旌旗兵民各怒視屹列如交綏遠伐森牙踞威嚴徒
爾為撫軍大憤恨彈丸從指揮暴徒未摧創所斃皆氓
蚩僉曰戕饑民撫軍心游移吏士俱飲手誠諭無一宜
無人敢誰何潰壞焉可支烈歛起堂皇撲救亦不施冠

劍隨煨燼庭闔燬無遺厲聲索撫軍撫軍去何之惻惻
提刑署踽踽黃昏時于時一城中火起光四五鷲哉景
教徒所在建堂宇愚民目爲祆常欲付一炬乘機復何
待處處赤燄舉講肆聚烝髦變夏彼所怒龜筮得焚如
俄頃成焦土船橋接巨纜峩峩繫湘渚百物方充物千
夫自邪許熱以膏塗薪鬱攸莫能禦遠人競塵居異物
難悉數苟與華風殊碎之百鈞杵恣睢揮霍中違問意
所主百僚詣撫軍兀兀心內煩薦紳諮撫軍但坐默無
言將校候撫軍進止俱不聞我無撫民畧代我宜良藩

言文言
六
誠令民怒溘豈待朝命喧橫行掠近郊法令蕩無存威
靈自茲替謗議徒紛紛一朝耗千億冤苦更誰論泉竭
不自頻所懼涸其源誰言朽索馭可止六馬奔吁嗟牧
民者庶幾憂元元

戲題六首與明皆同作

不見飛行處悠悠一語通有芒星轉彗如縷雨離虹豈
藉纏綿意頻來縹緲中蒼穹宜可問天聽亦云聰無綫
電信
近天纔尺五足下白雲生驀起圓光迫飄搖素體輕更
誰乘霧去終是御風行莫訝飛鳶事騰空技已精輕
氣球

恥破人間浪冥然萬里行龍游潛以伏犀照晦而明川

后如相識波臣儻不驚浮沈無定所淵默聽縱橫潛行汽艇

照眼光無定玻瓈一桁深風搖留旆色波蕩失潮音奇

趣真如睹遐蹤若可尋何當徵故事羅幔影沈沈活動幻燈

聞道鈞天奏神鸞入聽初聲情千里外歌笑百年餘漫

擬唐宮笛難收魯殿書東山無那好絲竹更誰如留聲機器

貌得湖山趣應憐老畫師垂頭雲冉冉瞥眼日遲遲片

影憑霑漑輕裝信取攜舊遊如昨日遠道向誰遺撮影器

廖蓀咳丈約同曾重伯胡子靖諸君盛夏見過看荷有

作

盛暑曾無水竹緣幽尋差近綠陰前就中觴侶多吟侶

無數紅蓮亞白蓮匝地火雲焦客騎滿懷寒玉汲山泉

南皮清興懷瓜李

蒸咳丈臨別謂茲遊不減南皮有綫綫之意

老日襟顏勝

少年

曾重伯攜其姬人同過山莊有贈

桃根桃葉碧珊珊

姬人偕其小妹

白馬驪駒錦作鞍阿閣別來

誰引鳳女牀深處早棲鸞

姬人嘗侍重伯居此園數月

牙籌靜落銀

屏遠冰椀親攜鈿臂寒粉蝶隔簾知有約雙飛斜照玉

闌干

夜坐

蛩怨蟬嘒夜漏遲華胥新夢自尋思高荷月午留圓影
弱柳風殘有亂絲清簟半隨心冷落疏簾閒與鬢參差
茅堂咫尺驚秋葉更是黃雲待雨時

口號

啼笑紛紛不自賢十年衰病得孤眠誰如狡兔求三窟
已見飛鴻到五絃塵世因緣都傀儡男兒癡絕便神仙
欲尋丹訣無勾漏敢擬侯封慕酒泉

言文言才
卷四
八
聞楊三兄昭樸之喪

三年書札惜風塵
稷下游談悴此身
往日劉蕢悲下第
秋來宋玉最傷神
精魂倘化龍鸞氣
奔走誰憐蟣蝨臣
我欲怨君悽不語
負書披褐更無人

蟬

身世悠然天地秋
棲遲無定託高樓
生涯漠漠飽風露
心事漫漫耽唱酬
最恨不如金石響
豈容翻作糗糧謀
澄清亦自關時節
拋卻青袍未白頭

迴首

迴首清秋歸國謠樓頭離思碧天遙有時明月不上座
無限白雲方過橋衡嶽麾幢仍縹緲瀛洲車馬已蕭條
幾年海網漂流盡赤水求珠意未消

狂飈

狂飈飛過城上樓有人爲之前煎百憂秋葵送老顏慘慘
院雀苦饑聲啾啾吳門城高望白馬蜀江水急思黃牛
誰解金剛轉輪法天公雷雨無時休

汗漫

汗漫何當覽大荒也從東海閱滄桑書千卷有枕中秘

病七年無肘後方自賊喜同雞斷尾不仙羞似鼠拖腸
近來一事關懷抱霖雨三朝望太陽

新種池蓮

人間環珮一羣空始信瑤池別有風衡岫祇愁雲雜還
濂波應訝玉玲瓏天衣無縫絲絲密羅襪生塵步步工
仙骨未成胎欲化不容靈氣久泥中

贈唐明皆

唐侯五十髮如漆與我諧談無厭時常喜考槃歌獨寐
自矜萋楚樂無知遺經滿笥邊韶腹瘦骨挈空賈島詩

手把芙蓉參道藏未應舉世笑書癡

篋中見鄉試年錄題句

青絲一出橫門道貪看麒麟上玉堂塵土功名誰檢點

鷓鴣言論久荒唐自從芳草王孫去

王仁和在朝極力保全科舉洎王罷

相始下詔停止無復槐花舉子忙姓字祇今消滅盡可無嘆點

到文章

楊重子三十生日賦贈

男兒三十未封侯坐擁書城百不憂自有清才翻子夜
豈無慧業補陽秋閨人筆妙稱雙絕愛日天遲息遠遊

第五聲名要湖海莫教驃騎獨風流

七夕

一年牛女一番聚十二萬年多少番靈異因緣還有定
風塵離合更難論明知鵲駕無留意寧復鴛衾數淚痕
隔斷銀河問消息人間何處不溫存

皓月四首山莊秋夜作

皓月滿長廊清於九月霜不緣唳雁過何事斷人腸信
步光無礙沈吟天欲涼薜蘿交荇藻秀色四蒼茫

皓月上平臺浮空去卻迴蕩婦誰家笛仙郎何處杯暝

煙棲樹杪竹露墮牆隈相歎還相憶餘情玉漏催
皓月照清池嬋娟信可疑浪空無激灩雲至若漣漪宿
鳥在深樹流螢過一枝芰荷誰汝伴低望正離披
皓月入高樓窗櫺縹緲秋裊裊終是恨悵望轉成愁逸
想失千載孤襟共九州流輝如可掇竟夜此悠悠

劉生行

劉君善澤字濡
深淵陽諸生

秋至雨連旬止雨無術愁農人忽然破空晴向晨羣類
濯濯百穀新門前烏鵲喜錦書至瀏水五言誰長城寄
書者劉子劉子閉戶精圖書孤趣獨與時賢殊擺落繁

華向憔悴不恥閤室投明珠青郊苦病慘復劬得此一
夕心顏舒安能引我久對坐轉霧欲奪天風噓洞庭湖
湖水碧邇來幾輩才人出即如瀏陽吾友辦蘊客壯飛
識韻同超越神駒飛轡日千望自嗟偃蹇窮追躡劉子
生其鄉深谷薰蘭芳自然峙立無低昂與君相歡不在
傾壺漿傷離歎逝薈一念況復秋風颯颯吹我芙蓉裳
送易大兄入都即次其留別韻

飈輪東挾洞庭煙才思翩如庾杲蓮兒說書空多怪事
猶聞既醉有賓筵風雲且欲迴千代珠玉終須落九天

文學家家論鹽鐵縱橫何似漢諸賢

秋懷四首

有序

負疴屢年絕意時事向見招接非敢漠然四方節閫
倏忽非舊因秋賦懷曩今同候以知未忘塵想也

商飈下梧葉錦水有魚鱗閣道愁羈旅山阿憶隱淪清
霜高館夢雙燕鎖窗塵宋玉悲何許沈吟楚澤人

何處無衰草江南一曲哀遲迴邀笛步零亂讀書臺柳
岸黃驄去蘆灘孤雁來樽前問叢菊官閣爲誰開

寂寞金臺下燕昭事已非不知秋草萎時有碧雲飛攜

練情空寄浮槎客未歸游鴻苦相念涼露欲沾衣
塞上胡笳動荒城颯颯孤遼陽傳片語滄海間殘軀洗
馬風霜淨摩鵬草木枯鬢絲彫幕府西望有唳烏

贈藥

神農去我久本草寧親嘗況今所服食多非經所詳稍
復辨甘鹹誰能別溫涼堅脆同一沸銖黍徒爾量十年
申久要形迹近相忘辛苦無寸效汨汨瀾我腸漢史主
中醫不藥乃其常在易得有喜但以勿藥明謝君且遠
去當世多膏肓

藥答

似聞古神仙安期赤松子匪能長壽年服食得不死即
今數千載萬病何可紀苟以法治療靡不霍然起譬如
射不中罪豈在弧矢邇來西方人且復傾藥水所採生
物質雖殊亦相似功用諒不懸奚獨乖物理君倘遇賢
遠吾將俟諸此

金氏三世節孝詩

有序

湘潭山門金節母王氏及其婦吳氏孫婦曾氏三世
皆以節孝旌於朝數年之中先後下世曾氏吾妻姑

又吾第五弟外姑也親好往來知聞最悉曾氏無子嗣其族子頑劣流落祠墓無主然其高操純行相繼彌至爲世風軌不可沒也

吾姑尚有姑吾姑之姑二十喪其夫吾夫生而孤生三十而殂嗚呼天不哀余不使余若吾姑而有子天乎何辜吾姑之姑心如鐵吾姑肝膽皆冰雪吾獨胡爲徒死烈朝行羹湯暮泣血吾不死吾代吾夫事其母母也孝婦聞州里吾今事母奈何不若此齋何甘兮藥何苦義則婦姑恩母子吾與吾姑一心耳嗚呼從來節孝誰如

汝

聞日韓合併作

兔死狐不悲唇亡齒已寒狐衰徒能活齒搖多見殘哀
哉神州域外侮日相干與競既無由欲避良亦難人皆
鬪利器我獨徒手觀豈無百爪牙僵廢殊不完滅亡時
警告傾耳意亦安誰云困獸懼得免豺虎患咄咄箕子
封永沒東海瀾前車不可救何人無戚顏

弔朝鮮俠士安重根

荆卿報國仇一死功無成遙遙千載下乃今得安生名

邦素禮讓百城不備兵雌伏非一朝震耳忘雷霆豈知
被摧撼巢覆卵先傾土宇已不屬君長猶虛名轉側無
生理萬眾徒匍行元勳代國柄意向由縱橫死我實此
獠刀劍爲不平西風撲車輪決皆流殺聲勿復侮亡國
烈士須臾情

送三弟環遊地球第二周

天山之高不可踏北海之寒不可遊在昔霞客騁遠步
蹤跡詭可徧九州豈如今朝登涉九萬里日出日沒海
水自古東西流吾弟嗜奇慣奔走前者孤征環地球乃

今歸來未匝載子身復出踽踽環行第二周策鰲踏海
那可睹鞭石成橋事無有洪濤峻坂若平地尺鐵起挾
雷霆走支機之石河漢邊未必浮槎直上天大地山河
可到便須到何論亥步窮垓埏送君不上江上船船上
中秋江月圓海天明月共圓缺期君歸來明年二月之
月初上弦

庚戌中秋平遠樓看月

清秋天宇高今夕秋正中氣清無此比圓月懸蒼穹月
圓歲十二恆恨光迷濛亭亭素秋節矧非他夕同斯樓

四經秋兩與圓月逢皎潔未若今纖雲斂以空皓魄得
殊耀爛若新磨銅固知非常景露坐心目融從茲豁氛
翳終曉澈西東庶民有休徵濶哉思天功

嘲盜

邦物寄所典黠猾弄其扁上盜竊神器掩耳如盜鈴下
亦盜財賄爲術已逕庭主人不憎盜盜亦無所憎謾藏
自千載詎曰千常刑嗟爾盜無術但盜羈與瓶叨惠能
幾何徒令隳冥冥當時有大盜盜我醉未醒囊篋蕩以
盡置去惟臚腥聞盜所盜多輦金無時停奪還不可必

善攫攫亦聽鑿空務在大闢盜不以形示爾盜以方無
爲鬼眼笑

陳伯嚴考功寄近刻詩卷奉懷二首

把卷沈吟倦不休幾年情趣若爲酬獨撐心眼與古遇
未覺魚鳥非我儔碧海夏雲通小閣清溪漁笛下扁舟
知君兀兀江南北坐嘆行思今白頭

我亦閒居意寡歡滿房牋卷不曾攤停杯無語聽鐘漏
煮藥由人說肺肝喜得朋儕計歸隱

羅趙兩提學同時
棄官歸里皆君故

人轉緣衰病問加餐宵來思舊問能賦夢接三山眼欲

酸

聞羅訓循提學罷官感賦

苦恨浮雲感逝波更無心緒病維摩十年世事秋潮沸
幾輩官曹白眼多湖海劫灰成閱歷文章餘日好消磨
嶽屏湘帶軒裳地結得茅齋伴玉珂

寄趙芷蓀山中

斗酒遮迎處士家已聞歸旆過長沙知君心在白雲下
直送船還湘水涯縱使飯糗稜懸寤寐未遑豪翰動咨嗟
山中看取秋禾熟笑與高堂搯鬢華

示閨人

常恐鷲飛風捲塵不妨扶病向時人終年蔬筍供調養
半世糟糠共隱淪
晝招攜分藥裏涼秋消瘦剪頭巾
深燈兒女休嘲雜我自沈吟汝自嗔

園居薄暮

層霄寥泬自秋清況是樓臺報晚晴雨勢何須更零亂
溪光如此不分明下階木葉空爲影遶院蟲聲各有名
門外車塵還接轍且驚遲暮欲無成

獨酌

有酒飲之乃得仙癡兒醉夢情可憐平生祇覺形贈影
舉世但見夔憐虻意在斯乎蓋有託病未能也誰使然
過盡百年了無益持此一樽笑向天
敬安上人寄示近詩戲效其體贈之

昔日蓮峯主今爲海上僧遙憐萬山裏躑躅一枯藤呼
虎行爲伴招憐夜作燈誰言修苦行祇是百無能

清絕天童寺飄然住遠公聽經殘石瘦補衲冷雲空健
飯定如昨孤吟無與同禪心野亭上霧點一歸鴻
檢篋得黃修原都門病中寄書懷然題句

燕雲飄斷五千里湘樹依遲二十年長使幽憂逼家國
誰從並世數才賢病中卜夢多心事客裏題書尚眼前
對月看雲常憶汝那堪推手觸塵箋

病中自嘲

筆硯君苗已自燔舊時結習一無存道旁跬步孟門險
花底須臾子夜昏踞地不蛙車隱隱寄書無雁字紛紛
客來弗省誰何某片語分明到耳根

送周印昆復爲遠遊

杯近霜髭劍在腰羈人橫眼去蕭蕭松花江上魚梁穩

言言才
卷四
一
嶽麓山巔雁字飄故國馬牛翻入夢窮邊蛇豕總能驕
嗟君數歲東南北污盡征袍祇度遼

窗中見蠅蜓螳螂二蟲和唐明皆

蠅蜓捕蟲作晚食土壁草窗常伏息蟲來掩掠無一逃
惜爾蟲蟲負飛翼沈鷲百蟲已莫比一夕螳螂突其側
欲取不取終逡巡頗識當車有雄力螳螂自去蠅蜓退
頓使蟲豪驕不得世間強武乃見存物競於茲理可測
紛紛弱小盡淘汰視此微蟲心惻惻張牙奮爪非難事
誰實耿耿敢侵逼寒燈熟對天演界恨不持將語當闕

與客談近事有作

明夷箕子方蒙難柔順艱貞又一爻看似彈丸流峻坂
譬將杯水置堂坳道傷文武百年盡災記春秋十月交
倘有飛騰龍在野奈何瞻顧燕安巢

連雞勢解更難爲淚盡包胥諒此時起陸龍蛇無定所
求仙男女有歸期誰言白水真人在猶爲潢池赤子悲
鶉首賜秦天已醉魯連東海是吾師

桂蠹

庭中桂樹高尋丈柯條漸拂青雲上歲歲秋花十里香

明蟾玉液常供養今年春雨連朝昏桂蠹乘陰自生長
幽情慘戚貞氣殘園丁對此心眼酸驅掃百計日未倦
蠕蠕息息居游安坐使三秋瑤碧姿含芳不藥摧令顏
我思此蠹涉春夏狐鼠婆娑據城社蠹盡還憂根葉傷
蟲生自腐胡爲者皇天肅殺有正氣敬告園丁莫輕打
湖隄種柳摧失既盡慨然有作

去年手種百株柳方春飄瞥無何有今年更植二百株
園客里兒爭護守柔條秀質列堤上眼見十株活八九
昨來採取莎湖妍一空如掃風中帚諒非珍木涎偷兒

豈有惡陰礙鄰叟耕灌餘閒得游賞此意於人復何負
吾聞道旁古樹常千尋愛惜由人見淳厚奈何隔退轉
不保天事人爲嗟嘆久森林警察當何時地方自治有
先後他年種柳柳長成更對濃陰一回首
秋坐客至有感

山氣偏秋上溪聲送客來蒼茫如有意憂患苦相催半
世朋交盡孤兒日夜哀無爲恨家國祇是惜人才
絕句

誰上通明表玉皇竹宮燈燼夜焚香天錢十萬憑他借

祇爲黃姑辦聘裝

桃花古洞神仙住爲問遊人可知處夕陽西下雲滿山
一鳥長空自來去

近聞

舉棋不定更狐疑極目謠臺百丈危大海蛟鼉橫霸氣
中原貔虎仗王師山川未免蠶叢險旦暮能無雀鷲饑
枝策據梧深作計千鈞一縷已垂垂

聞中

門前池水帶微波鎮日纔經一客過徒倚樓臺迎夜月

提攜兒女拾秋荷獨尋舊夢蒙莊叟自唱新聲楚怨歌
未必山林容我老從知車馬負人多

周印昆飲別山莊

清霜沐湘泉執手遠行客遠行去何許朔土關梁隔昔
者叢棘區今作芳蘭宅舊壤得新畬豐林起高翮君奮
宿遊履豪偉出胸膈肆彼豺與鴟稍復就安戢平生飢
渴心舍此當奚適茲行傷我懷豈在悲離析落落閭里
懽墜散深可惜初條已不揚眾芳固云寂輕去古所歎
況乃久行役情深通江山宿告庶永覲離觴方在御長

風澹秋夕在遠分益親斯言自疇昔

強興

今古沈沈一望孤強興茸枕飯雕菰青禽逐偶頻呼喚
碧樹忘情自苑枯落日未應隨海盡飛泉能更入山無
齋心便覺支離好已辦湖舟與釣徒

罷劍停琴獨渺茫吞回殘唾入枯腸捧珠明月來滄海
堆絮浮雲覆草堂黃鵠白鷗俱有致金魚文馬爲誰狂
青霄接眼餘霑灑莫更憑闌向夕陽

九月朔資政院開院有述

中天龍氣照旗旂吐納從今徹萬流莽蕩星辰齊北極
飛騰雷雨接歐洲君民共治三權立蒙藏同歸兩戒收
忍說先皇憑玉几未教寰海奠金甌

屯蒙草昧待經綸光嶽迴旋在此辰薄海士民傾聽睹
十朝壇廟見精神匡時籌策看羣彥接席冠裳動遠鄰
自是三公須獨座平章軍國仗何人

橘瑞堂

微物感靈化循性若可察隱爾通人事遂與常理別前
年園橘秀五實秋盤列跗蒂無歧分肌理自連結數符

同氣人感此情逾熱上堂奉巾杖親顏爲嘉悅迺今垂
五橘纍貫貢芳烈華鬢憇丹林欣然手披擷雖殊疇昔
姿妙相非徒設達人契物真持情庶不竭徵瑞非敢稱
願永斯堂揭

九日樓望

陽極有迴復起元自貞下重九數再終更迭回元化萬
象遞相值忽會羲和駕久視情所戀履運各忻咤避災
豈誠言良日此虛藉肅肅秋氣澄登臨偶優暇遊目無
餘懽平疇得晚稼叢菊花未黃酒樽時亦罷念昔重時

節歛焉傷代謝
放意一盤旋
靄靄天遠大

雨中穫晚稻

嘉穗秋已登
南疇晚猶綠
往歲苦霖潦
低窪多不熟
畎澮今未盈
纍纍有新穀
霜天散寒雨
連朝斷晴旭
粒實泛微白
綴畝泥漉漉
糶衮強從事
稍取願亦足
霑濡何足惜
猶勝委溝瀆
田家寔苦辛
一飽謀半菽
有苗方屢困
況望天雨粟
嗟爾域中人
炊饌坐華屋
秦子質子和
諸昆季以其母袁太夫人壽八十徵詩獻

三十韻

湘山黃菊壯嶺嶠白雲多宦迹留金粉諸郎散玉珂家
聲依國瑞人事接天和宸極青鸞降崑墟綵鳳過慈恩
迎趙母老福拜張婆中壘賢明傳扶風德行科清聞封
孟鮒儉比織劉純照日心猶赤凌霜鬢不皤騰光親婺
女結景鑑姮娥宅井丹砂盜竇筵綠酒醅瑞年誇鶴厯
奇耆哂雞窠珍藥病良已斑衣喜若何引冠珠的皪扶
杖碧婆娑良玉璠璣並羣峯泰華羅朝簪趨嶽嶽文祿
舞傿傿陶侃偏騰達羨肱好切磋猶傳相夫子曾與治
寧波不倦勞諮訪如傷切痛疴書箴閑德象說法苦維

摩經幔紛朝帙機絲急夜梭智囊何迫促康瓠漫消磨
誰分鄒鄰美還隨魯殿峨海籌開日月珈服配山河含
笑分榛栗移情坐薜蘿樓臺喜烏鵲江海靖蛟鼉池上
融桃實庭中聳桂柯鄉閭推令詰詞賦愧蹉跎鞠脰奉
馨悅瞻依違澗阿奚斯魯邦頌安世漢時歌壽母千齡
懿迂儒一字哦

得句

沈沈碧霧千重塞裊裊寒泉一脈通誰信山川留物色
更教天地入鴻濛

言言才
得三弟發太平洋所寄書並述日光之遊

日光山下碧悠悠此去知君憶舊遊極目重洋重渡處
舊情還勝日光不

喜聞

金牛吞海飛鯨波堯門舜牖星辰多千里驥足鬪險阻
四山鳥羽排網羅燭天十丈夜光出割雲三尺龍泉磨
萬方灑血獨清淚仰首洗甲傾長河

青郊詩存卷之四

女士梁若愚校字